

次以名勝義亦勝故若以法而言無學法勝  
於學法以人而言無學人勝於學人復次無  
學人所有猗樂不爲煩惱所覆學人雖有猗

樂爲煩惱所覆復次若受猗樂時寬博廣大  
是說現法樂學人有所作故受猗樂時不寬  
博廣大不名現法樂無學人無有所作受猗

樂寬博廣大故名現法樂譬如國王於諸怨

敵未盡降伏所受快樂不寬博廣大彼亦如  
是復次若無煩惱意語亦滿諸牟尼是說現  
法樂復次若受現法樂不受後樂是名現法  
樂學人受現法樂亦受後樂故不名現法樂  
以如是等事故無學猗樂名現法樂學人猗  
樂不名現法樂

十六末

### 阿毗曇毗婆沙論卷第五十四

七十四

訊訛二同音信拘蹉上音俱下何反奢緻下直利反驟郎和  
咽喉上音煙或作咽捐棄上音緣下弃字僧法迦下丘反黠慧上中  
八 鼾嗅許較反揣食上正作搏下音鉢般吒上音竹家

勑加速二同代鎖字錠迴復下音敵反徒的髮莫班苗  
稼下音娛樂上音猗樂上於離反一音倚

### 阿毗曇毗婆沙論卷第五十五

七十五

迦旃延子造北涼沙門浮陀跋摩共道泰譯

#### 使捷度十門品之二

問曰爲有三明阿羅漢不若有者此中何以  
不說若無者此經云何通如說尊者舍利弗  
白佛言世尊此五百比丘幾是三明幾是俱  
解脫幾是慧解脫問曰尊者舍利弗爲知是  
事不若知者何故問若不知者云何名得覺  
聞波羅蜜答曰應作是說尊者舍利弗知問  
曰若知者何故問答曰自有知而故問如毗  
尼說佛世尊知而故問復次尊者舍利弗爲  
利益他故問尊者舍利弗雖自知彼會中有

不知者無無畏故不能問佛尊者舍利弗無如是過欲利益他故而問復次欲說總相令別異故而問佛為五百比丘說法聞佛所說得阿羅漢果斷未來有盡可佛意衆生若能者舍利弗作如是念此諸尊者雖皆得阿羅漢斷未來有不知誰勤方便欲說如是總相今別異故而問復次佛世尊令五百比丘等住於果舍利弗欲令其道差別故而問復次佛世尊令五百比丘等住無為解脫舍利弗欲令有為解脫差別故而問復次欲顯功德寶藏令世知故而問譬喻如寶藏覆在土中多人不見如是以少欲知足土覆功德寶藏世無知者復次欲令施主生信心故而問有諸檀越於夏四月中以衣食等所須之物供給衆僧欲令施主知之彼等所施值如是等清淨福田故而問復次彼尊者淨行弟子法故弟子法應問師應答復次為現破憍慢求法

情深故而問復次為壞少有所知生於憍慢不喜問人故而問尊者舍利弗作如是念我所有智慧有十六世人所知有一分我猶問他何況汝等少少知見而不問耶復次欲見已身法無慳垢故若人慳於法者見他人問猶尚不喜何況自問復次為止誹謗故而問諸外道等作如是謗沙門瞿曇夜從優波提舍拘律陀邊受法畫為弟子說若尊者舍利弗合十爪掌於大眾中而問於佛彼誹謗便止復次弟子所說善法欲以如來印印故而問譬如王家所有符蹟若不以王印印者所經閑津而不信用若以王印印者所往之處而仁五

二皆信用如是弟子所說善法若不以如來印印者則於遺法四衆無信受者若以如來印印者則遺法四衆而皆信受是故弟子所說欲以如來印印故而問答曰應作是說有三明阿羅漢問曰此中何故不說答曰應說此又應如是說若慧解脫俱解脫三明阿羅漢

能生現法樂復次已說在先說義中三明阿羅漢若是慧解脫若是俱解脫若說慧解脫當知已說俱解脫有三明者昔有二論師一名時婆羅二名瞿沙跋摩尊者時婆羅偏讚數慧尊者瞿沙跋摩偏讚數滅定尊者時婆羅作如是說慧勝滅定所以者何慧能有所緣滅定無所緣尊者瞿沙跋摩說滅定勝慧所以者何滅定唯聖人有慧凡聖俱有讚數慧者作如是說若有三明不具八解脫者是名三明若有三明具八解脫者亦名三明具八解脫無三明者是名俱解脫若有一明二明者是名慧解脫所以者何慧勝滅定故若讚數滅定者作如是說若具八解脫無三明者是名俱解脫若具八解脫有三明者亦名俱解脫若有三明不具八解脫者是名三明若有一明二明名慧解脫所以者何滅定勝慧故此二所說俱唐捐其功此二所說於文無卷五

益於義無益三明或得滅定或不得滅定若得者名俱解脫三明若不得者名慧解脫三明今當重說未知欲知根知根知已根所以當滅定未斷當斷是故名未知欲知根問曰若未知當知未滅定當滅定未斷當斷名未知欲知根者苦法忍生時觀欲界五陰苦得滅定後生苦法智亦觀欲界五陰苦得滅定是時名知苦已復知苦何故名未知欲知根不名知根耶答曰苦法忍始觀欲界五陰苦不名已知苦法智名始知復次苦法忍觀欲界五陰滅定是苦不名爲智苦法智乃知以智爲滅定不以忍復次若後更不生未知欲知道不爲未知欲知學所覆不以上著下下不得自在名知根與此相違故名未知欲知根何故名知根答曰未知已知未滅定已滅定未斷已斷問曰若未知已知未滅定已滅

體及相應共有法餘比智分悉得決定後生道比智於彼相應共有法始得決定名知根何不名未知欲知根耶答曰外國法師說第十六心最初道比智剎那名爲見道問曰此中所論如是說者乃說十五心是見道者尊者僧伽婆修作如是說道比忍現在前未來有無量道比忍修彼未來修者能於現在道比忍剎那相應共有法得決定不應作是說所以者何未來道不緣有所作問曰若然者其義云何答曰從多分故已得決定者多未得決定者少已得決定猶如大地未得決定如一搏土須彌山芥子大海一滴虛空蟻翅處空喻亦如是復次彼後更無未知欲知道更不爲未知欲知學所覆不以上著下下不得自在是故不名未知欲知根何故名知已根答曰知已更不知決定已更不決定斷已更不斷是名知已根問曰若知已更不知決定已更不決定斷已更不断名知已根者何

廿五

中

故於三知已法中一獨名爲佛耶答曰佛初成道時覺一切法作別相觀非總相觀聲聞辟支佛初成道時覺一切法總相觀非別相觀復次若智自知偏知決定知是名爲佛辟支佛智雖自知非偏知非決定知聲聞智不名自知非偏知非決定知復次若於一切種以緣自覺是名爲佛辟支佛雖以緣自覺不於一切種聲聞不於一切種以緣自覺復次若知遍所知覺遍所覺行遍所緣根遍根義所境界徧境界是名爲佛聲聞辟支佛不爾復次若所聞不如重誓是名爲佛聲聞辟支佛不爾復次所不應行習氣於此身永斷是名爲佛聲聞辟支佛不爾復次於甚深十二因緣河能盡其底者是名爲佛聲聞辟支佛不爾如三獸渡河謂兔馬象兔騰躋乃渡馬或盡其底或不盡底而渡香象於一切時足踏其底而渡如免渡河聲聞渡因緣河亦復如是如馬渡河辟支佛渡因緣河亦復如是

如香象渡河佛渡因緣河亦復如是復次若  
永斷二種無知謂染污不染污是名爲佛聲  
聞辟支佛雖斷染污無知不斷不染污者復  
次若永斷二種疑謂是人是杌疑及使性疑  
是名爲佛聲聞辟支佛雖斷使性疑不斷是  
人是杌疑復次佛得盡智時於二種障心得  
解脫謂煩惱障解脫障是名爲佛復次若依  
所依具足者是名爲佛或有所依具足依不  
具足如轉輪聖王或依具足所依不具足如  
辟支佛佛世尊依所依二俱具足如依所依  
器中物器當知亦尔復次若三事具足是名  
爲佛一色二族三言語復次若具足三事是  
名爲佛一誓願具足二因果具足三恣所問  
具足復次若有三不讓有三不共念處是名  
爲佛復次若所言無二有無盡辯所說無失  
是名爲佛復次若善知因善知時善知相善  
知爲他說法是名爲佛復次若有四種智一  
無畏智二無蓋智三無缺失智四不退智是

名爲佛復次若知種種因知種種果知種種  
性知種種對治法是名爲佛復次若於卅八  
法得解脫其德無有能得邊者能爲一切厄  
難者作救護是名爲佛復次若得十八不共  
法十力四無所畏大悲三不共念處是名爲  
佛復次若大悲心深遠微細徧一切處於一  
切衆生無怨憎心深遠者從三阿僧祇劫積  
聚故微細者濟衆生三苦故徧一切處者緣  
三界衆生故於一切衆生無怨憎者於怨親  
中人等不異故如是等事故三已作法中一  
說爲佛問曰何故色陰中眼耳鼻舌身立根  
色聲香味觸不立根耶答曰無根相故不立  
根復次若是內入者立根外入者不立根復  
次若作所依者立根若作所緣者不立根復  
次若是衆生數者立根若是或非者不立  
根復次在自身中者立根不定者不立根復  
次若自所用者立根不定者不立根復次不  
共者立根共者不立根問曰受陰中樂受立

二根苦受立二根何故不苦不樂受立一根耶答曰應說二根而不說者當知此說有餘復次欲現種種說種種文乃至廣說復次欲現二門二略乃至廣說復次樂受或有黠慧者有不黠慧者或有輕躁者有不輕躁者苦受亦余樂受中若不黠慧不輕躁者立樂根七五<sup>大</sup>若黠慧輕躁者立喜根苦受亦余不苦不樂受不黠慧不輕躁故立一根復次樂受樂根所作異喜根所作異苦受亦余不苦不樂受所作無異復次雖相對法故樂受對苦受苦受對樂受不苦不樂受無相對故立一根問曰何故想陰不立根耶答曰不立根法多何故獨問想問曰所以問者色陰行陰少分立根少分不立根受陰識陰盡立根想陰不盡立根不少分立根是故問想陰何故不立根答曰無根相故不立根復次威勢義是根義煩惱

七五<sup>中</sup>威勢少故不立根問曰煩惱能沒生死遠離涅槃壞諸善法云何言威勢少耶答曰以是下賤可呵法故言威勢少問曰若然者何故染污受立根耶答曰受於煩惱有威勢煩惱威勢少猶如獄卒雖所住處下亦與貴勝交柱諸獄卒守門者雖復苦切於人無有威勢

所識然後想有所想復次爲他所覆故善想爲慧所覆如人憶想不忘世言是人智慧不善想爲顛倒所覆如無常常想顛倒尊者和須蜜說曰何故想不立根耶答曰威勢義是根義想威勢少問曰想亦有威勢如說一切有爲法展轉有威勢少問無爲法於有爲法亦有威勢復次根能害煩惱想不能害問曰想亦能害煩惱如說比丘修行廣布無常想除一切欲愛色無色愛尊者佛陀提婆說曰想取相分別分別體唯取想除數法行境界已想然後取相分別問曰煩惱何故不立根答曰無根相故不立根復次威勢義是根義煩惱

而不得與貴賤交往彼亦如是尊者僧伽婆  
修說曰若法有欲無欲身中可得故立根煩  
惱唯有欲身中可得故不立根若是說則  
憂根知已根不尔所以者何憂根唯有欲人  
身中可得知已根唯無欲人身中可得是故  
如前說者好問曰何故受善染污不隱沒無  
記立根慧唯善立根染污不隱沒無記不立  
根耶答曰受於煩惱分中勢用勝善染污不  
隱沒無記盡立根慧於出要法中勢用勝善  
慧能增益出要染污慧能斷出要法不隱沒  
無記慧於出要法無所增益問曰俱是不相  
應行陰命根立根受身處何故不立根耶答  
曰無根相故不立根復次命根是報一切報  
從業生是以命根立根受身處不定或有是  
依或有是報是故不立根問曰最勝義是根  
義滅盡涅槃於一切有為無為法中最勝何  
以不立根耶答曰此是根畢竟盡處不立根  
譬如瓶衣畢竟盡處不名瓶衣復次若法行

世能取果能有所作能知境界者立根滅盡  
涅槃與此相違故不立根復次若法是生滅  
有因是有為相者立根滅盡涅槃與此相違  
故不立根復次根屬因屬緣屬所作立根涅  
槃與此相違故不立根復次若法為生所生  
為老所老為壞所壞者立根涅槃不爾復次  
根在陰墮世與若相續有前後相上中下相  
者立根涅槃不爾復次言最勝者於有為法  
中最勝故立根涅槃於有為無為法中最勝  
故不立根十八界眼界色界眼識界乃至意  
界法界意識界界名略說亦名廣說略說者  
於說大經七如大因緣經大涅槃經等廣說者  
於說入經入亦名略說亦名廣說略說者於  
說界經廣說者於說陰經陰亦名略說亦名  
廣說略說者於說入經廣說者如說若有所  
受當知皆苦於如是等經名為廣說復有說  
者界亦名略說亦名廣說即於界中不於餘  
法所以者何界中心色是廣說心數法是略

說入亦是略說亦是廣說即於入中不於餘法所以者何入中色是廣說心心數是略說陰亦是略說亦是廣說即於陰中不於餘法所以者何陰中色心是略說心數是廣說如說若有所受當知皆苦此說一向是略復有說者界是廣說亦攝一切法大因緣經大涅槃經雖是廣說不攝一切法入雖攝一切法而非廣說所以者何是中說法故陰不攝一切法所以者何攝一切有爲法不攝無爲法故亦非廣說所以者何是略說故如說若有所受當知皆苦此一向是略說佛所說經廣略義如此非謂如說法施財施是略說大因緣經大涅槃經是廣說世尊於所知法先廣說十八界即於彼所知次略說十二入於彼十二入除無爲法略說五陰是名世尊廣略之說以如是廣略所說法佛告尊者舍利弗我說諸法若廣若略能知解者難得以如是廣略說故尊者舍利弗請於世尊世尊說法

若廣若略能有知解法寶者譬如大海中龍於大海中化作大身上昇虛空興起大雲偏覆虛空放電光出如是雷音我今當雨藥草樹木聞如是音皆生恐怖作如是念大海中龍若降雨者我等皆當沒滅是時大地心無疑懼又無異色而謂之言汝當降雨經百千歲我盡能受世尊亦於主幢佛然燈佛迦羅拘孫陀佛迦那舍牟尼佛乃至迦葉佛所長養智身上昇有餘涅槃虛空界中以大悲雲偏覆世間放智電光出無我師子吼音作如是言舍利弗我所說若廣若略知解者難得是時一切受化者聞說是言心懷恐懼唯除尊者舍利弗世尊以未曾聞名味句身而說諸法我等所不能解尊者舍利弗於六十劫中增長如地知見心無恐懼又無異色而請於佛世尊說法若廣若略能有知解法寶之者問曰有法非聲聞辟支佛境界何故尊者舍利弗作如是請佛答曰聲聞所知非佛

所知以聲聞境界非佛境界以聲聞所行非  
佛所行以聲聞根非佛根復次佛聽故請尊  
者舍利弗作如是念世尊所說常以憐愍知  
量觀其田器而兩法兩不唐捐其言若說一  
句前人不受佛則不說世尊知我有亦所受  
法器則為我說如是法以是事故佛聽故請  
問曰為何等受化者說界何等說入何等說  
陰答曰於界中愚者為說界於入中愚者為  
說入於陰中愚者為說陰復次受化者或是  
初行或是已行或是久行為初行者說界為  
已行者說入為久行者說陰下根中根上根  
樂廣樂略樂廣略者說亦如是復次若恃性  
情慢縱逸者為說界所以者何性義是界義  
故若恃財情慢縱逸者為說入所以者何輸  
門義是入義故恃命情慢縱逸者為說陰所  
以者何陰說名殺賊復次於色心愚者為說  
界所以者何界中廣說色心略說數法於色  
愚者為說入所以者何入中廣說色略說心

仁五

心數法於心數法愚者為說陰所以者何陰  
中廣說心數法略說色心復次為計我者說  
界為於所依緣愚者說入為我慢者說陰佛  
為如是受化衆生說陰界入問曰十八界名  
有十八實體有幾答曰十八界名有十八實  
體或十七或十二若說六識身則無意界所  
以者何離六識身外更無意界是故名有十  
八體有十七若說意界則無六識身所以者  
何意界之外更無六識身是故名有十八體  
有十二如名體名假體假乃至知名知體說  
亦如是問曰十八界答曰以三事故立十八界  
者云何立十八界答曰以三事故立十八界  
一以所依二以依三以境界六界是所依六  
界是依六界是境界所依者眼界乃至意界  
依者眼識乃至意識境界者色乃至法問曰  
若以所依依境界立十八界者阿羅漢最後  
心則非意界所以者何不能生識故答曰彼  
亦是意界所以識更不相續者非以意界更

以餘事故苦識生者亦能作所依過去有十八未來現在亦有十八問曰過去有十八界可亦所以者何六識次第滅者是意界未來現在云何有十八界答曰以是決定相故若未來現在識無意界相者過去者亦無以決定相故過去有十八界是故以三事說十八七五界謂所依依境界佛經作如是喻如大樹葉聚比丘當知無量界性亦復如是雖說無量界性而不過十八界盡以三事故名界謂所依依境界佛經亦說六十二界如多界經說彼亦不過十八盡以三事故名界問曰佛經何故說六十二界答曰欲異外道故外道有六十二見以身見爲本爲對治彼見故說六十二界餘經又說橋尸迦世間有種種無量界衆生各於自界而起貪著生牢彊想言我界勝惟我是實餘者是愚如是盡在十八界亦以三事謂所依依境界復有說者此中諸見以界名說悉在法界中以是事故十八界

以三事立界謂所依依境界尊者婆摩勒說曰以四事故立十八界一以自體二以事三以所作四以分別陰以自體者色界乃至法界事者眼識乃至意識所作者何眼界乃至意界分別陰者色陰有十界識陰有七三陰有一界此是界體性乃至廣說已說體性所以下當說何故名界界是何義答曰性義是以今當說界義是何義是性義是齊義是界義段義分義別義種種相義不相似義分性銅性銀性金性石性白墡性如是一所依身有十八界性段義是界義者如諸村段次第安置名宮殿樓觀次第安置竹義名扇名蓋次第安置肉段名爲男女分義是界義者十八分是男十八分是女別義是界義者男別有十八女別有十八種種相義是界義者眼界相異乃至法界相異不相似義是界義

者眼界於餘界不相似乃至法界於餘界不相似分齊義是界義者眼界自有分齊餘十七界亦有分齊乃至法界自有分齊餘十七界亦有分齊種種所作是界所作者眼界所作乃至非法界所作法界所作乃至非眼界所作聲論者說趣義是界義者趣諸界諸趣五諸生持養義是界義者能持自性故是故性義乃至持養義是界義已摠說界所以今當一一別說云何眼界若眼已見色今見色當見色已見色是過去今見色是現在當見色是未來及諸餘被分眼外國法師作如是說被分眼有四種過去有被分眼界謂眼不見色減墮過去者現在亦有被分眼界謂眼不見色今滅者未來亦有被分眼界謂眼不見色當滅者及未來必不生被分眼罽賓沙門說被分眼有五種三種如先說未來必不生被分眼有二種一與眼識合二不與眼識合若以眼見色於已名自分於餘一切衆生亦

名自分若眼不見色於已名被分於餘一切衆生亦名被分復有說者若以眼見色於已名自分於餘一切衆生若名被分若眼不見色於已名被分於餘一切衆生亦名被分復有說者若以眼見色於已名自分於餘一切衆生不名自分亦不名被分若眼不見色於已爲彼分於餘一切衆生非自分亦非被分不應作是說云何是眼不名自分亦非被分評曰如前說者好若以眼見色於已爲自分於餘衆生亦名自分若眼不見色於已名被分於餘衆生亦名被分問曰無有以他眼見色者云何已眼於餘衆生名爲自分耶答曰誰說以他眼見色者耶問曰若無說以他眼見色者云何已眼於餘衆生名爲自分耶答曰七以所作同故如已眼見色已滅於餘衆生亦名見色已滅無有以他眼見色者問曰自分眼見色被分眼不見色不見色眼於見色眼云何名被分答曰展轉爲因故見色眼與不

見色眼作因不見色眼與見色眼作因復次以展轉相生故見色眼能生不見色眼不見色眼能生見色眼復次展轉相續故見色眼續不見色眼不見色眼續見色眼復次見色眼不見色眼俱是一界一入一根一見諸界有如是相者此中略說如眼界耳界鼻界舌界身界說亦如是云何色界答曰若色爲眼已見今見當見已見者是過去色今見者是現在色當見者是未來色及餘彼分色彼分色有四種過去有彼分色界謂不爲眼所見已滅者現在有彼分色界謂不爲眼所見今滅者未來有彼分色界謂不爲眼所見當滅者及未來必不生色有色界於一衆生是自分於二三乃至百千衆生是自分者如初生月若衆生乃至百千衆生是自分者如初生月若生緣彼眼識是自分色界若不生緣彼眼識是彼分色界譬如大會之中有一端正莊嚴伎女在中種種舞戲若生緣彼眼識是名自

分色界若不生緣彼眼識是名彼分色界大衆之中昇高座法師說法亦復如是有色界於一衆生是彼分於二三乃至百千萬一切衆生是彼分謂如須彌山中色大海大地中色問曰如是色界非天眼境界耶答曰雖是境界以不用故然有天眼者不必一切時見所應見色問曰彼色不爲佛眼所見耶答曰是所見以不用故如今無佛無佛眼見色問曰若以眼見色於已是自分於餘一切衆生亦是自分何故色界若爲眼所見是自分不爲眼所見是彼分耶答曰一色界容有一衆生不見二七五三衆生則見無有一眼二人用見何況多耶色界有如是相者此中略說如色界聲香味觸界說亦如是以世俗言說故作如是說世俗作如是語汝所艱香我亦艱之汝所嘗味我亦嘗之汝所覺觸我亦覺之實義不爾若一人已艱香第二人所不能艱一人已嘗味第二人所不能嘗一人已覺觸第

二人所不能觸若如世俗言說文說如上若

以實義文應如是說如眼界耳界鼻界香界

舌界味界身界觸界說亦如是云何眼識界

答曰眼緣色生眼識問曰眼識生時除其自體一切法皆作緣何以但說眼色作緣耶答曰此說眼識所依及境界眼是彼所依色是彼境界復次與眼識作近威勢緣者說眼色與眼識作近威勢緣勝於自體生老無常是以故說問曰眼識亦緣色生何以但言眼識不言色識答曰如外入經說緣色生識是名色識乃至廣說

### 阿毗曇毗婆沙論卷第五十五

仁五

十爪下之音唐捐下音揣正作捕  
下音杭吾骨躁躁則到反二  
疆強音分齊二字並白鑑下即音鉉音  
善下音竹篋下莫結反

十五末

### 阿毗曇毗婆沙論卷第五十六 仁六

迦旃延子造北涼沙門浮陀跋摩共道泰譯

#### 使捷度十門品之三

問曰但一經說色識餘經多說眼識答曰若是內法則說不說外法如內外所依所緣根

根義所境界境界不共共說亦如是復次識

何子微

以所依故有別名從眼生者名爲眼識乃至從意生者名爲意識如聲以所依故有別名如鼓聲依鼓貝聲依貝琴聲依琴彼亦如是問曰此皆依意何以不盡依名意識耶答曰若依是不共不同別異相作識別名云何眼識所依不共不同別異謂依於眼不依餘乃至身識說亦如是以是事故而作四句或作所依不作次第緣乃至廣作四句作所依不作次第緣者謂俱生眼作次第緣不作所依者謂前次第滅心數法作所依作次第緣者謂意界不作所依不作次第緣者除上外所事乃至身識說亦如是若爲意識作所依亦